

O mea e moomia mo sau talosaga mo se lesitala

CHARITIES SERVICES

Ngā Ratonga Kaupapa Atawhai

A o lei faia lau talosaga mo se lesitala matou te fautuaina lou tagai muamua i le [lisi o mea e moomia e fua i ai se talosaga](#) ma le webinar ua matou saunia i [faamanuiaga ma aiaiga o le avea ai ma auaunaga faameaalofa lesitala](#). O punaoa nei e maua ai faamatalaga tāua ma le uiga tonu o le avea ai ma auaunaga faameaalofa ma tulaga moomia e tatau ona e lipotia.

E te moomia faamatalaga nei mo le faia o se talosaga i luga o le initaneti:

► Igoa o le auaunaga faameaalofa

O le igoa faatulafonoina o le tou faalapotopotoga (o le igoa faamauiina tasi mavaega po o le igoa na lesitala ai i le Companies Office) ma isi igoa e ono iloa ai.

► Faamatalaga tau fesootaiga

Faamatalaga tau fesootaiga mo le tou faalapotopotoga, e aofia ai le tuatusi o le pusameli ma le nofoaga.

► Fesootaiga autu

O se tagata e mafai ona maua imeli ma isi fesootaiga. E mafai foi ona e tuuina mai se isi tagata e faafesootai.

► Auga faavae o le faameaalofa

O le suesueina ai pe faamata o lena tou te faafoeina se auaunaga faameaalofa matou te moomia tulafono faamauiina e uiga i le auga na faavae ai. E maua le fesoasoani i le faiga e faaupu ai pe a e tagai i faamatalaga ua matou saunia i [auga na faavae ai o se auaunaga faameaalofa ma tou tulafono](#).

► Auivi o la outou faalapotopotoga

Auala o tou faafoeina ai ma tagata o aofia ai. E moomia ona e faamatala ma faafoeina ai nisi o sootaga ma isi auaunaga faameaalofa ua lesitala.

► Nofoaga o faafoeina ai

Nofoaga o faafoe ai tou galuega (itumalo, atunuu, faavaomalo po o mea uma nei e tolu?).

► Faamatalaga o le sui o le ofisa

Faamatalaga o le sui o le ofisa (masani o sui o le tasi mavaega po o le komiti), tulaga (Taitaifono, Failautusi ma isi), aso na latou amata ai, tuatusi o le fale ma aso fanau. E moomia foi ona e saina e faamaonia ai e lē o taofia le avea i latou nei ma sui o le ofisa i lalo o le Charities Act. Tagai i [faamatalaga ua matou saunia i sui o ofisa ma tusi faamauiina sui o ofisa](#).

► Meafai

O se faamatalaga o galuega e faafoeina e le tou faalapotopotoga, e aofia ai ma tagata o auai ai, o le nofoaga o faatino ai meafai ma tagata e faamanuiaina ai.

► Faamatalaga lagolagosua

E fesoasoani pe afai e mafai ona e tuuina mai se lipoti faafoi faaletausaga, pepa faamatala, imeli po o se tusi o faaali ai ituaiga galuega o tou faatinoina.

► Faamatalaga tau tupe

O le faamatalaga tau tupe pito talu ai pe afai o maua.

► Fesoasoani tupe na faaogā i atunuu mamao

O le pasene o a outou fesoasoani tupe o faatupeina ai galuega i atunuu mamao (tusa lava pe afai e leai).

► Foai faameaalofa

Pe faamata pe leai foi na tou maua ni foai faameaalofa po o ni [koha](#).

► Tulafono ma le faafuaiupu o le tulafono e tapunia aloaia ai

O tou tulafono e faasino i se faamaumauga o le a faia ai se faataatiaga o auga na faavae ai le tou auunaga faameaalofa, o matafai oi ma auala o faafoe ai. Atonu tou te faaigoaina o le faavae, maliega tausī mavaega po o se faamaumauga e pulea ai la outou faalapotopotoga.

O faamaumauga tau tulafono uma, se'i vagana ai maliega tausī mavaega, e tatau ona iai se vaega o le tulafono e faailoa ai tulaga o le tulai mai pe afai o le a tapunia aloaia le tou auunaga faameaalofa (se faafuaiupu o le tulafono e tapunia aloaia ai). E tatau ona faamatala ai soo se aseta o totoe, i le uma ai ona totogi o ni aitalafu ma isi mea e totogi, o mea na faaaogā mo galuega faameaalofa, po o le tuuina atu i se isi faamoemoega faalapotopotoga o faafoeina auunaga meaalofa. Mo faamatalaga auiliili, tagai i le [auga na faavae ai ma tou tulafono](#).

► Faamatalaga taofia

Afai e te manao [e taofia faamatalaga mai le silasila i ai o le mamalu lautele](#), e moomia ona e faailoa mafuaaga patino e taofia ai. O tulaga masani le maua e le mamalu o le atunuu o faamatalaga o lau faalapotopotoga i le [Charities Register](#).

► Faamatalaga faailoga

Afai o lau faalapotopotoga o faamauina o se sosaiete tuufaatasia, faalapotopotoga tausī mavaega faamauina po o se kamupani, e mafai ona e faaaogā le tou Companies Office registration number. Afai o iai se tou numera Inland Revenue po o se New Zealand Business Number (NZBN) e mafai ona e faaaogā le numera lea.

Sauni e fai se talosaga?

[Kiliki i le itulau lenei e faia ai talosaga i luga o le initaneti.](#)

O le a imeli atu se faamaoniga o lau talosaga. Matou te faafesootai atu oe, pe afai matou te moomia nisi faamatalaga. O le taimi lava ua faagasolo ai lau talosaga, o le a logo atu oe i tulaga ua iai lau talosaga.

Faamolemole ia manatua, afai na e lesitala i le Companies Office ma ua e suia tou tulafono, e moomia ona e fautuaina le ofisa na lesitala ai i suiga ua e faia ae e te lei faailoa mai ia i matou.



Moomia pea se fesoasoani?

[Faatonu se avanoa e talanoa ai na o tatou lava](#) ma e mafai ona talanoa mai i luga o le telefoni po o le video (Zoom).



Faafesootai i matou

Telefoni: 0508 CHARITIES (0508 242 748)
Imeli: info@charities.govt.nz